

09 JUL 1996

PERDANA MENTERI AKAN LAWAT REPUBLIK KYRGYZ DAN KAZAKHSTAN

KUALA LUMPUR, 9 Julai (Bernama) -- Datuk Seri Dr Mahathir Mohamad akan melawat Republik Kyrgyz dari 15 hingga 18 Julai dan Kazakhstan dari 18 Julai hingga 20 Julai bagi mempertingkatkan hubungan dua hala serta menjalin hubungan perdagangan dan ekonomi.

Lawatan ke negara-negara Asia Tengah itu ialah yang pertama oleh seorang Perdana Menteri Malaysia, menurut kenyataan Wisma Putra di sini hari ini.

Lawatan itu ialah atas undangan Presiden Republik Kyrgyz Askar Akayev dan Presiden Kazakhstan Nursultan Nazarbayev yang melakukan lawatan rasmi ke Malaysia, masing-masing pada Julai tahun lepas dan Mei tahun ini.

Dr Mahathir akan diiringi oleh isteri Datin Seri Dr Siti Hasmah Mohd Ali, dan beberapa menteri Kabinet dan Menteri Besar.

Anggota rombongan juga termasuk senator, anggota Parlimen, para pegawai kanan kerajaan, ahli perniagaan dan kumpulan kebudayaan. -- BERNAMA

TCL CTL FAZ